

## Ebe ni iPọlu ọ kẹkẹ ghi ITatọsi

### *Otse*

<sup>1</sup> Mhẹmhẹ iPọlu ni a zẹ abi ọni ọọ ga ọyi Ẹshinẹgba ali aghiusomhi na kẹẹ ọyi iJesu iKirisiti, mhi kẹkẹ ebe ona. Eri a ghie mhẹ ni mhi ya zese irudunga ọyi eni Ẹshinẹgba ọ zẹ-a, ali ni mhi rẹwẹ khase igesikia ni o ya sẹsẹ wẹ abi e li ya la agbọ ni o ri egbe ẹ mu Ẹshinẹgba.

<sup>2</sup> Oni irudunga ali ilẹsẹ ona o migha nga irudushi ọyi agbọ na agbọagbọ, ni Ẹshinẹgba ni ọa ya lo egbhọli ọ ri nga na awa neni a mẹ igbaekele ọyi agbọ.

<sup>3</sup> Ẹghẹghẹ ni o ghọle Ẹshinẹgba, ọ la rọte ungmemhi oyọli ni ọ rọ nga mhẹ obọ ri usomhi oyọli khase gboo. Ẹshinẹgba ọni ọ mie awa pfuese ọ lighọ mhẹsẹ ọli.

<sup>4</sup> Mhi kẹkẹ ebe ona ghi iTatọsi omimhẹ esheshi elemhi irudunga, ni mhẹmhẹ ali lọli anye ga la elemhi imiesuọ oghuo.

Ẹshinẹgba Ita iJesu iKirisiti ọni ọ mie awa pfuese ọ ka li okhale nẹ, ọ ri opfomhẹ nẹ.\*

### *Akanya ni iTatọsi ọ ya gbe ẹoli iKireti*

<sup>5</sup> Emini o zẹ ni mhi rọ zẹ obọ shi iKireti khi, ni u mẹ asha pfuse ikanya ni e kpọle nya gbe, ali ni u zẹ egbhali shi igbaa nya eyi eni e mie iJesu iKirisiti

---

\* **1:4** Li zẹ 2 iKọri 8.23; iGal 2.3; 2 iTimo 4.10

suọ na ukhomhi ẹoli ni e la iKireti nya. Sato abi mhi gueye khi:

<sup>6</sup> Oni ọ khi ọgbhali shi elemhi igbaa oyi eni e mie iJesu iKirisiti suọ ọ mema ya khi ọgbọ ni ọ guẹ ẹ ngeli, ini a khi mẹ asha gue ẹzọ shi ọli egbe. Ọ mema ya khi oni ọ rue ọkpotoso ọghuo shi. Imi ọli e khi eni e miesuọ ni ẹa khi eniye ni e gbakaa ni ẹa ya suọ esọ.

<sup>7</sup> Aborọkhia khi eri a ri akanya oyi Eshinẹgba nga oni ọ ralo na igbaa oyi eni e mie iJesu iKirisiti suọ nya obọ eghọ, ọọ mema khi ọgbọ ni ọ guẹ ẹ ngeli ini a khi gue ẹzọ shi ọli egbe. Ọ khi khi ọgbọ ni ọ ri imebie ẹ ngeli deba ẹgbọ. Ọ khi khi oni elemhi e kele ẹ bi. Ọ khi khi ọgbọ ni ọ da onyo pfunche egbe-a. Ọ khi khi ọgbọ ni ọ kele ẹ pfi obọ, wẹkhi ọgbọ ni ingme ukpaghọ o ghọ mu egbe dose ode.

<sup>8</sup> Ochoghọ ọ khi oni ọ ghele ẹ mu ẹgbọ, ni ọọ nono eminete. Ọ khi ọgbọ ni ọ guẹ ri egbọli ẹ kia. Ọ khi ọgbọ igesikia, ali ọgbọ ni ọ pfuase. Ọ khi ọgbọ ni ọ mu ekpe shi egbọli egbe.

<sup>9</sup> Ọ mema mu oni usomhi onete ni o mholi iregbenga mhue jijiji, abi a li sese ọli. Lọli ọ rọ dobe ya ri osese igesikia ni ọọ sese ẹgbọese ke ri udu shi wẹ ọ, ali ni ọ gbo ri ida-ode oyi eni e nu wẹ ẹ khako khase, khi egbọli ẹẹ lo.†

<sup>10</sup> Irari khi ẹgbọ iJu ebubu eghuo ni e miesuọ ni ẹ pfi ozughu, e la ọ, ni ẹẹ ngme ingmemhi afue ni ẹẹ di ẹgbọ. Wẹwẹ ẹ sese ode egbọli khi a mema shele ọgbọa neni ọ khi oni ọ miesuọ.

<sup>11</sup> O ti ni a pfi wẹ okpe unu, itobọ khi eri e ri emini ẹ sese yese udu oyi omhue-apfe ebubu-a.

---

† **1:9** Li ze 1 iTimo 3.2-7

Itobo ini e ba me asha ke ti ukpago ma, e ro ligo sese.

<sup>12</sup> Egbegbi omekeguele oyewe, o ke ngme oli ghue, oo, “Egbo iKireti, egbo egbhali, ali egbo ebe ali egbo iwaza elemhi-gbidi-a, a khi.”

<sup>13</sup> Igesia oni ungmehi ona o khi. Irarigo, ga lolo gbe omama ku we, ni irudunga oyewe o me asha migha.

<sup>14</sup> Eghenge ago, ea ke ke ri eso shi okhe afue oyi egbo iju ali ishi eyi egbo eni e kie igesia.

<sup>15</sup> Eri emhi nya e pfaese shi odalo oyi egbo ni e pfaese. Ama emhikhoghuo oya ya pfaese shi eloe oyi egbo ni ea pfaese ni ea miesuo, irari khi a she kese we udu ali isamhi-a.

<sup>16</sup> E ma lie khi we e lese Eshingba, ama eri angeli oyewe o rohasa gboo, khi ea lese oli. Egbo ni aa ti e mama ali egbo umha-sueso e khi, ni ea ti okie we itoto.

## 2

### *Ose ni a ya ke sese iku egbo ododa*

<sup>1</sup> Ghe i! Yeye oye, u mema ya ke sese emini o lama shi egbegbi ose o.

<sup>2</sup> Sese emose ni e she khi egbhali, e ke ri abo mu udu. E khi eni a mu ekpe na, e khi egbo ni e gue ri egbewe kia. E ze ni irudunga ali inono ali iregbemie oyewe o lolo mu eke.

<sup>3</sup> Gbo ligo sese ikpotso eni egbhali e ke ngeli abi ikpotso egbhali ni e la agbo ipfaese. E khi khi eni e ri unu e yese egbo a, e khi ditse onyo idada a, ama e ke sese egbo ingeli enete.

<sup>4</sup> Ishego ni e ke sese izele ikpotso e nono ingme oyi odo we ali imi we.

<sup>5</sup> E khi ẹgbọ ni e guẹ ri egbewẹ ẹ kia, e khi eni e pfuase. E khi shitọ ni ẹa mholi oni ẹẹ gbe owa. E khi eni e mholi isomhelemhi. E ke nyese ukhomhi na odo we pfo. Ini ogbokhoghuo o khi me asha ngme ungmehi imebie deba usomhi onete oyi Eshinegba.

<sup>6</sup> Gbo li ligho gueye eni izeo e khi ẹgbọ ni e guẹ ri egbewẹ ẹ kia.

<sup>7</sup> Ze ni emini u wa rieḷe nya e khi eminete ni ẹgbọ nya e ya ke khonya. Ri igesikia ali omuegbe ke khase elemhi oseḷe ni u wa sese.

<sup>8</sup> Ke ri ingmemhi ni e gba pfo ni ogbokhoghuo o me te ya ke ze ifue ngme ungmehi oye. Ini ebe awa e khi me emini o ti okhoghuo ngme shi awa egbe, ni omama o mu we.

<sup>9</sup> Sese ighumha e ri egbewẹ na ega eyewe pfo nya, e ga ke rieḷe emini o ri egbe ẹ ke mu we odekhode. E khi ke solọ shi we o ini e nu we ẹ wola.

<sup>10</sup> E khi bena ke do we ughiatọ. E ri ochogho ke rokhasẹ khi ẹgbọ enete ni ẹ gbe akanya te ode igesikia wewe e khi. Eghẹghẹ agho ni e ri oseḷe ungmehi oyi Eshinegba ni o mie awa pfuese ke ghole.

<sup>11</sup> Irari khi okhale oyi Eshinegba ni o ri imiepfuese bhale o she ri egboli khasẹ ogbokpa.

<sup>12</sup> Loli o sese awa, awa ke kie ingeli ni ẹa ghole Eshinegba ali oghumhe oyi emhi agbo, ni ogbogbo o ke nu egboli ngme. Awa a ngeli angeli ni o migha shi ipfuase eghẹghẹ ni awa la memena.

<sup>13</sup> Abi awa li ri ukpeloe shi eke ẹ khe ogbele ni Eshinegba ni o fune Omiepfuese iJesu iKirisiti oyawa o ro ya nyene egbe bhale.

14 IJesu iKirisiti ni o ri egboli bhale ro pfa awa shi eke rote obo oyi okholo nya lasele, ali ni o ro khuese egbo eyoli-a, ikhi egbo ni ikanya enete igbegbe e ghole.\*

15 Enana e khi emini u wa ke sese. Ri afu ni mhi ro ne ke ri udu shi we o, u gbo tse agua ye we. Khi ze ni ogbokhoghuo o ri ukpeloe gbe e.

### 3

#### *Abi eni e miesuo e lie ke ngeli*

1 Ke yele eni egbo le, e ke nyese ukhomhi na enighie ali eni e mhese, ali e ri ungmehi oyewe ke gbe akanya. E mu egbe ni e ro ke gbe ikanya enete.

2 E khi lo egbholi yese ogbokhoghuo eva-a, e khi egbo opfome, e khi nu egbewe ke wola, ama e khi eni e ri ikuegbe-a a ngeli deba ogbokpa.

3 Irari khi awa kpe li riele ingme oyeghe ali umha-sueso. Awa khi eni a di, ni a ri ogueme egbe, ali aruele mu shi igha. Awa la angeli ubogbo ali ofuma ikpekpe. Aa biselemhi awa, awa gbolo biselemhi egbe.

4 Ama abi isomhelemhi ali inono oyi Eshinegba Omiepfuese oyawa o ro feli lasele.

5 O mie awa pfuese, ni oa khi itobo ingeli ni e migha shi ipfuase ni awa ngeli, ama itobo ilelemhi oyoli. O rote iriele bia ali ikhuese-pfuase oyi Ayeme-no-pfuase tsumhi awa. O ri agbo onogbo na awa.

6 Eri Eshinegba o tutu Ayeme-no-pfuase ku awa tuo itobo emini iJesu iKirisiti o riele na awa.

---

\* 2:14 Li ze Iwolo 130.8; Okiali 19.5; iDeut 4.20; 7.6; 14.2; 1 iPit 2.9

<sup>7</sup> Ẹghẹghẹ aghọ, awa kha khi eni ọ rọte okhale oyọli rọ pfuasẹ se, awa mele imi ọli a ni e mhọli ọli shi udu khi e mhue obọ shi ugu agbọ na agbọagbọ.

<sup>8</sup> Egbegbi ungmehi ni a ri egbe ẹ nga ona o khi.

Mhia nono ni u lolo gue ọli ye wẹ jijiji, ini eni e she kpẹ regbenga Ẹshinegba, ni e kuegbe-a ke gbe ikanya enete. Eni emhi ena e ma ti gba irari khi e ma ri eleli ẹ na ogbọkpa.

<sup>9</sup> Khi nu ẹgbọ khẹ ako shi ingme afue, ali itonọ utetọ oyi echeli idada. Khi wola ali khi khọli shi ingme Ishi eyi iMosisi, itobọ khi afue ali emini ẹa ri eleli a bhale e khi.

<sup>10</sup> Kpẹ tse agua ye ogbọ ozughu iteva, ini ọa kie suọ, u ti gbe mẹ ọli na, ini emhikhoghuo e khi ku ẹ gbe.

<sup>11</sup> Lọli u rọ ya leşẹ khi ẹgbọ enana e she de ode khi ode, olamhe e ke la. Angeli oyewe o she pfa ẹzo mu we.

### *Omheşẹ ni o kpukhokho*

<sup>12</sup> Mhi kha da leşẹ ghie Atemasi ghi ẹ ne o ke khi iTakikosi, roşheka ni u bhale ya ẹ mhe iNikapolisi irari khi mhi she ri ọli shi udu khi oobọ mhi ya la ẹghẹghẹ oruame.\*

<sup>13</sup> Abibi o rie li, roşheka kpaghie iZenasi oni ọ khi iloya ali Apolosi obo, ini ẹẹ vu. Ri emini ẹ nono nya na we.†

<sup>14</sup> Ẹgbọ eyawa e khi eni e wena abi a lie gbe akanya enete, ni e dobe ke riele emini ẹẹ nono el-emhi ogbele na egbewe, ini e khi la agbọ ighalaba.

---

\* **3:12** Li ze Ika 20.4; Ẹfi 6.21-22; iKolo 4.7-8; 2 iTimo 4.12    † **3:13** Li ze Ika 18.24; 1 iKori 16.12

15 Ẹgbọ ni e nu mḥẹ la ana nya e ga tṣẹ ẹ. A tṣẹ  
eni e li miesuọ ali eni e nono ingme oyi anye.  
Okhale oyi Ẹshinẹgba o ka nu ẹ la.

**Ebe-No-Pfuasę Ishobo Onogbo**  
**New Testament in Ivbie North-Okpela-Arhe**  
**(NI:atg:Ivbie North-Okpela-Arhe)**

copyright © 2012 Wycliffe Bible Translators, Inc.

Language: Ivbie North-Okpela-Arhe

Translation by: Wycliffe Bible Translators, Inc.

**Copyright Information**

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 9789789194797

**The New Testament**

in Ivbie North-Okpela-Arhe

**© 2012, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.



2019-08-09

---

PDF generated using Haiola and XeLaTeX on 18 Apr 2025 from source files  
dated 29 Jan 2022

03be06b0-68fd-500b-b9a9-6bca4b63979a